

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11), a u vezi sa članom 8. stav 1. Odluke o osnivanju Kantonalnog štaba civilne zaštite („Službene novine Tuzlanskog kantona“, broj: 6/14 i 9/14), i Odlukom o uslovima i načinu formiranja radnih tijela Vlade Tuzlanskog kantona, upravnih organizacija i organa uprave Tuzlanskog kantona („Službene novine Tuzlanskog kantona“, broj: 6/12), na prijedlog direktora Kantonalne uprave civilne zaštite, Vlada Tuzlanskog kantona, na sjednici održanoj dana 03.03.2015. godine, d o n o s i

R J E Š E N J E

o postavljenju komandanta, načelnika i članova Kantonalnog štaba civilne zaštite

I

Za komandanta Kantonalnog štaba civilne zaštite postavlja se **Abdulah Zukić**, Ministar poljoprivrede, šumarstva i vodoprivrede.

II

Za načelnika Kantonalnog štaba civilne zaštite postavlja se **mr. sc. Zdenko Tadić**, direktor Kantonalne uprave civilne zaštite.

III

Za članove Kantonalnog štaba civilne zaštite postavljaju se:

1. **Jadranka Duraković**, sekretar Crvenog križa/krsta Tuzlanskog kantona,
2. **Fadil Šljivić**, policijski komesar Tuzlanskog kantona - zadužen za policiju,
3. **Bahir Imamović**, pomoćnik ministra za rudarstvo i energetiku - zadužen za industriju, energetiku i rudarstvo,
4. **Nedžad Đedović**, pomoćnik ministra za zdravstvo - zadužen za zdravstvo,
5. **Fahrudin Delić**, pomoćnik ministra za prostorno uređenje - zadužen za prostorno uređenje i zaštitu okolice,
6. **Nenad Lukanović**, pomoćnik ministra trgovine, turizma i saobraćaja - zadužen za saobraćaj,
7. **Bahrija Jusufović**, pomoćnik ministra za trezor - zadužen za finansije,
8. **Ruzmira Bajrić**, pomoćnik ministra pravosuđa i uprave - zadužen za primjenu propisa i pravne poslove,
9. **Mr. sc. Dragan Pelemiš**, pomoćnik direktora Kantonalne uprave civilne zaštite - zadužen za mjere zaštite i spašavanja,
10. **Elvedin Kurbašić**, šef Kantonalnog operativnog centra - zadužen za osmatranje, obavješćavanje i uzbunjivanje
11. **Benedin Pejić**, stručni savjetnik za deminiranje u Kantonalnoj upravi civilne zaštite - zadužen za deminiranje i NUS-a.

Poslove sekretara Kantonalnog štaba civilne zaštite obavljat će **Ljiljana Pavljašević**, stručni saradnik za ekonomsko-finansijske poslove u Kantonalnoj upravi civilne zaštite.

IV

Zadaci Kantonalnog štaba civilne zaštite, kao posebnog operativno-stručnog organa koji neposredno rukovodi akcijama zaštite i spašavanja na području Tuzlanskog kantona, preventivno djeluje prije nastanka prirodne i druge nesreće, te za vrijeme vježbi civilne zaštite i ratnog stanja, utvrđeni su u članovima 108. i 110. Zakona o zaštiti i spašavanju ljudi i materijalnih dobara od

prirodnih i drugih nesreća („Službene novine Federacije BiH“, br. 39/03, 22/06 i 43/10) i članova 20 - 24. Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona“, broj: 10/08), te podzakonskim aktima.

Obavljanje zakonom utvrđenih i složenih poslova zahtijeva od članova štaba specifična znanja iz različitih oblasti, praktičan rad na terenu, suradnju pri realiziranju zadataka, aktivnost svakog člana da prati situaciju u oblasti za koju je nadležan, te aktivan odnos o svim saznanjima o opasnosti ili nastanku prirodne ili druge nesreće u oblasti za koju je zadužen, kao i obezbjeđenje provođenja naredbi štaba u svojoj oblasti.

Angažiranost članova štaba je kontinuirana i traje cijeli mandatni period.

V

Mandat članova Kantonalnog štaba je vezan za mandat Vlade Tuzlanskog kantona, a funkcioniра dok se ne imenuje novi sastav štaba.

Razrješenje pojedinih članova u Kantonalnom štabu civilne zaštite vrši se po istom postupku kao i njihovo postavljenje.

VI

Stupanjem na snagu ovog Rješenja stavlja se van snage Rješenje o postavljenju komandanta, načelnika i članova Kantonalnog štaba civilne zaštite („Službene novine Tuzlanskog kantona“, broj: 6/14 i 9/14).

VII

Ovo Rješenje stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA
Federacije Bosne i Hercegovine
TUZLANSKI KANTON
V L A D A

Broj: 02/1-34 - 005980/15
Tuzla, 03.03.2015. godine

